

**BAC Libre.md**  
Le BAC pour TOUS !!

7 اشياء يجب معرفتها قبل التسجيل  
في البكالوريا بالنسبة للمنقطعين اكثر من  
7 سنوات

1- تزادو دروس جداد معمرك مشفتيهوم ...

بالخصوص فالفيزياء و الكيمياء

\* RLC RL.

\* التناقص الاشعاعي.

\* الكواكب.

\* المجال الكهروساكن.

\* الموصلية و الموصلة.

\* الاسترة و الحلماة.

دخل لهاد جوج ديال الروابط غادي تلقا فيه دروس ديال

الفيزيك و الكيمياء كولهوم :

<http://goo.gl/bw15Ti>

<http://goo.gl/NLbQ2U>

2- المراجعة دياك مختلفة على المراجعة ديال التلاميذ فالثانوية

و تنظيم الوقت و ترتيب الاهداف مختلف بزاف ...

خاصك تراجع بطريقة استراتيجية !!!  
خدم حتى تسالي لماط عاد دوز للفزيك او عاد دوز للكيمياء .

جاتك علوم الحياة و الارض صعبة ؟؟  
تقدر تركز عليها 100/100 او تجيب استاذ يخدم معاك  
سيمانة كلها ...

4 ديال السوايع فالصباح و 4 ديال السوايع فالعشية ...  
حتى دخل المنهجية ديال الخدمة 100/100 لدماعك .

**3-** تدبير الحماس و الرغبة او la motivation ... هي أهم  
مشكلة غادي تواجهها ...

قلب على طرق جداد باش تعامل معاها شوف ”باب الباك“  
و Bonus.

<http://goo.gl/faVwJn>

**4-** حاجة اساسية خاصك تعرفها هو ان السلاح ديالك  
هاد العام هوا الوقت !!! ...هوا الوقت !!! ... هوا الوقت !!!

اذن خاصك تستعملو باحسن طريقة ممكنة ..  
ميمكنش تضيعو هاد العام .. لا فالدوران .. لا فالقهاوي ..  
لا مع الصحاب ..

باك حر مجهود و معركة .  
وجدتي ليها غادي تجيبها ... غادي تريح ...  
ترخيتي؟؟ مشا عليك التران ...

**5-** ماشي اي واحد يقدر يدوز الباك حر بعد 7 سنين ديال  
الانقطاع ...

لا خاص يكون عندك اسباب كبيرة ...  
اسباب صحيحة قدها قد الجبال اللي تدفعك .  
واحد التمرين خاصك لابد تصايبو  
كل التلاميذ ديالي كيديروها فBacLibre

**ايلا مقدرتيش ديرو ؟** هذا دليل على انه مغاديش تقدر توجد  
الباك حر... و النتيجة ؟ مغاديش تجيبوا.

(ايلا غلبك تمرين ديال 1/2 ساعة ... نص ساعة .. مافيه لا ماط  
لا فيزيك .. بلا منكمل ياك ؟ ... المعنى باين ؟!)  
فهمتيني مزيان ؟

OK كملتي القراية ... الله يعطيك الصحة بعقلك ...  
ها هو التمرين :

خد ورقة و ستيلو و جاوب على هاد السؤال :  
عطيني 10 ماشي 9 , ماشي 5 , ماشي 2 ...

**عطيني 10 ديال الاسباب الصحيحة .. 10 ديال الاسباب**  
الاسباب القوية ..

الاسباب المرزنة ...علاش بغيتي دير الباك الحر ؟

-6 بالنسبة لمنهجية المراجعة...

راه يمكن لبيك تبع هادي الي غادي تلقاها فهاد PDF...

<http://goo.gl/aGfgv6>

او طبق داكشي لي فيه .... غادي تسالي المقرر قبل ما يجي الامتحان الوطني او الجهوي.

-7 الخطأ القاتل الي كيخرج على الناس الي بحالك هو :  
تحاول تبع اكثر من طريقة ديال المراجعة فنفس الوقت ....

مثلا تحاول تبع 3 ديال الأساتذة ديال الرياضيات مختلفين...

اولا تبع 5 ديال المواقع فالفيزيك او الكيمياء....  
ميمكنش !!! ...

غادي يوقع ليك بحال ” الذئب مول جرادتين“ ...  
كيتبع الاولى حتى كيقرب يشدها  
او كيشوف بطرف ديال عينيه الجرادة الثانية او كيمشي يشدها ...

حتى كتولي بين سنانو  
او كيتفكر الجرادة الاولى و كيمشي عندها .

الانترنت بحر ... او الدروس ولاو كتار .. موجودين ..  
عدد كبير ديال الأساتذة كيسجلو فيديوات ...  
الفيدوات موجوين او دغيا تقدر دوخ ...  
الحل ؟

تبع استاذ واحد ... واحد ... واحد .. واحد فقط .. فكل مادة .  
او تبعو من A tal Z

بَعْدَ عَلِي "سَكسو بسباغيتي".

اعيد بَعْعَعَعَعَعَعَد عَلِي "سَكسو بسباغيتي".

اعيد..... بَعْعَعَعَعَعَعَد عَلِي "سَكسو بسباغيتي".  
كل مادة استاذ واحد !!! .

ايلا تبعتي المغاربي ... تبعو من A tal Z  
ايلا تبعتي شي استاذ اخر .. تبعو من A tal Z.



بالتوفيق  
الدكتور جمال المغاربي